



Division des Droits de l'Homme de l'ONU CI

Bureau régional de BONDOUKOU

Declaration Universelle des Droits de
l'Homme en langue DIOULA



Nations Unies Droits de l'homme
Haut-Commissariat aux droits de l'homme

Déclaration universelle des droits de l'homme en dioula

DUNYA' MUM& MOG&YA' HAK&YAW DANTIG&LIKAN

Kúmanabila

K' à mina à mà kó dûnya' mànton' bëe ká kan ni bònya ye, àni kó bëe ká kan sàriya' la làkika' la, kó ò le be bëe ya hɔrɔnya' sàbat, kà bëe kánya jásuma' dûnya' sìgi' la.

K' à mina à mà kó mogoya háke lɔnbaliya' ni à jàtebáliya' nàna ni njuguya' syáman ye dûnya kɔnɔ, minw kà hádamadenw dùsu' kàsi, àni K' à mina à mà tèle kúra min bɔra, à fɔra kó kúma' mín ká dí mín yé, ò bé ò fɔ, kó díina' mín ká dí mín yé, ò bé ò ke, kó mogow kà síran nɔn ná, ò bánnna, kó fàgantánya júgu bánnna, ò kùma' kera bënké yé min kera hamamadenw haminankoba ye,

K' à mina à mà kó kà mogoya' háke' látanga ní sàriya' sìgili' yé sèn kán, ò yé wájibi yé wálasa mogow kàna wájibya kà mûruti bënkánni' kánma, àni fàngajúgu' kánma,

K' à mina à mà à ká kán tériya' yé ke jàmanaw ni nɔn ce,

K' à mina à mà dûnya' mûmë sáratikan' ná, Dûnya' Jàmanaw yá tɔnba' màntonw bëe kà à yìra kó ù lánin bë mogoya' hákeyabaw' la, ù lánin bë hádamadenya' tá bònya' ní à lánbe' la, ù lánin bë cew ní mûsow ya kányangɔnmaya' lá háke' lá, ní ù kà nàniya' sìri kà mogoya' yá nɔtaga' sàbat, àni kà nánamaya' këcogo nûman' sìgi sèn kán hɔrɔnya' bërebere kɔnɔ,

K' à mina à mà Dûnya' jàmanaw kà à nàniya kó ù bé jen ní Tɔnba yé kà mogoya' hákeyaw látanga à ná' mà dûnya' mûmë kɔnɔ,

K' à mina à mà, ò nàniya nûman té sé kà síra' sɔrɔ ní bënkélenma má kë mogoya' hákeyako ní à hɔrɔnyako' kán,

Dúnya' tɔnba' ya ḥgɔnlajereba' kà í kán' bìla kà dunya' mumε mɔgɔya' hakeyaw dantigelikan **gánsi** kà à yìra ò ḥjaniya numan yé fεn ye, míñ ká kán kà ke mànton' ni násɔn' bεε làjníni ye, yálasa mɔgɔ kelen kelen bεε, àni jékulu kelen kelen bεε ye nin dàntigelikan' nìn tó ù hákili' lá, kà ù jíjà kàlan' ní lámadamuni' kɔnɔ, kà fεre ke dɔɔnin dɔɔnin ù ya jàmana' húkumu' kɔnɔ, wálima dúnya bεε kɔnɔ, kà hákεya nìnugu ní hɔrɔnyá nìnugu látàngali' yíriwa, àni kà à ke bεε ye sɔn ù mà ná mà, à kera ù ya jàmana kɔnɔna ye, wálima jàmana gbεre min bé ù ya màra' kɔnɔ.

Báabu jɔnna

Wólo' lá, hádamaden' bεε ye hɔrɔn ye, bεε ká kán lànbe ní hákεyaw lá. Mɔgɔ bεε ye hákilitigi ye, bεε ye hákilima ye ; ò là, ù ká kán kà ḥgɔn mína ní bádenya ye.

Báabu 2 nan

1. Mɔgɔ' bεε dɔ bε kà à lɔn kó í ká kán ní mɔgɔya hákεyaw ní à hɔrɔnyá kófɔnin' bεε ye nìn dàntigelikan' nìn kɔnɔ, mɔgɔ má bɔ mɔgɔ lá, kεrεnkεrεnninya lá, fàragbεko ni fàrafinko te à la, sýawoloma te à la, cε ni múso má bɔ ḥgon ná, í be kán míñ fɔ, ó té à la, díinako té à lá, í hákilila ye míñ yé pólitikiko' lá, wálima hákilila gbεrew, ó te à la, bɔyɔrɔko te à lá, n ye fàgantanden ye wálima n ye fàgamaden ye, ó te à la, nàfolotígiya ni bólókolonya te à la, ḥamakalako ni hɔrɔnyako te à la ; fεn o fεn be nà ní wólomali' ye mɔgɔw ní ḥgɔn cε, ò sí te à lá.
2. O cògoya kelen mà, bɔyɔrɔ má bɔ bɔyɔrɔ la. I bɔyɔrɔ' lànbe' jàmana tɔw cε' mà, í ya jàmana' kera jàmana' yεrεmahɔrɔnyanin ye, à kera jàmana ye míñ be jàmana gbεre ya màra kɔnɔ, wálima à be à yεrε bólò jàmana gbεre ya húkumu' kɔnɔ, wólomali sí te ke kà lá ò kán.

Báabu 3 nan

Mɔgɔ' kera cogo ó cogo, à ká kán ní ḥánamaya' ye, à ká kán ní hɔrɔnyá' ye, à ká kán ní lákandali' ye.

Báabu 4 nan

Mɔgɔ sí te sé kà mìna kà í kε jɔn ye wálima kà í kε bólokɔnɔmɔgɔ ye, jɔnya' bánna, jɔnféere' bánna sàriya' la.

Báabu 5 nan

A mán kán mɔgɔ sí ye jängáta, wálima kà làjába, wálima kà à ní tɔrɔ, níjuguya' dànmátɛmɛ' fε, fó kà à lèebu.

Báabu 6 nan

Bεε ká kán ní lànbe' ye sàriya' lá, à kera yɔrɔ ó yɔrɔ ye.

Báabu 7 nan

Bεε ká kán sàriya' lá, àyiwa bεε ká kán ní sàriya' ya lätangali' ye kà à sɔrɔ à má kε wólomali ye. Bεε ká kán ní kɔsɛmɛ ye sàriya' là kà i yεrε tànga kà bɔ wólomali' súgu ó súgu mà, mín be dàntigelikan' nìn sɔsɔ, àni mín be se kà nà ní à sɔsɔli' ye.

Báabu 8 nan

A be bεn mɔgɔ bεε ye cεn yεrε l, í ye í ya jàmana' sàriyaso' màgbεn, sàriya' mín jásininin bε ò kόja' mà, kà i lákisi kà bɔ wálew mà, minw be jàmana sàriyaw sɔsɔ.

Báabu 9 nan

A mán kán mɔgɔ sí ye mina, wálima kà dòn kàso' la, wálima kà à gbεn kà bɔ à fàso' la, kà à sɔrɔ kùn te à la.

Báabu 10 nan

A ká kán mɔgɔ' bεε ye, bεε fána ká kán ò lá, ni bèn kera i kán, i ya kití ye tigé námara te min na, bεε ja'na, tìribinali la, mín be à yεrε sàgo' la, bεε ká kán mín na fána, tìribináli' mín bena jó dí à mà kà à ya hákε lɔ à ye, wálima kà jàlaki' bèn à kán cεn' yεrε la, ni à jó tε à la.

Báabu 11nan

1. Ní mìnaliko lára mɔgɔ ó mɔgɔ kùn, à te se kà mìna ábada, fó ni kíti kà à yìra tìribináli' la, kà à sɔrɔ áwoka kà à láfàsa, kó àle nɔ' lò lèkíka' la.
2. Mɔgɔ sí te se kà mìna kó la, kó' mín këtuma' kà à sɔrɔ kójugu te i ya jàmana' kɔnɔ, wálima dúnaya' sàriya' la. Mɔgɔ' be kó' ke tùma' mín na fána, à ni nàngíli' mín ká kán, ò wágati' la, fóyi te se kà fàra ò kán kɔ' fɛ.

Báabu 12 nan

A te bɛn mɔgɔ sí ye i sèn' dòn mɔgɔ gbere ya nánamaya' kójaw la, à ya sòkɔnɔ kójaw la, àni kà à ya bàtakiw kɔnɔna gundow la, kà à sɔrɔ kùn jɔnjɔn te à lá ; wálima kà mɔgɔ' lèebu, kà à tɔgɔ' cɛn. Sàriya' ká kán kà lɔ bɛe kɔ kɔrɔ kà i látànga kà bɔ ò kó súguya' mà.

Báabu 13 nan

1. Kà tágama jàmana' kɔnɔ, yɔrɔ ó yɔrɔ ká dí i ye, jàmana' yɔrɔ' mín ká dí i ye, kà sìgi yèn fána, o bɛnna bɛe ye.
2. Kà bɔ i fàso' la à ká dí cógo' mín, kà sègi à ká dí i ye cógo' mín, ò bɛnna bɛe ye..

Báabu 14 nan

1. nánimabori' ná, mín ye kà siran i ní' ná kà i yɛre níni, à be bɛn bɛe ye i ye dògotu níni, kà jàmana gbere níni, kà i kàlifa' sìgi yèn, wà jàmana sí te se kà bàn i la kà i gbɛn.
2. Kà kójugu' ke sàriya' ká kán kà i nɔ' mìna mín na, wálima mín be dúnaya' sàriyaba' sɔsɔ, kó i be bòli kà tágá i kàlifa jàmana gbere la, ò kó te.

Báabu 15 nan

1. Mɔgɔ' kéra cógo ó cógo, à ká kán ni jàmana' dɔ jàmanadénya ye.
2. Mɔgɔ si ya jàmanadénya' te se kà bɔsi i la kà à sɔrɔ kùn jɔnjɔn te à la, wà mɔgɔ si te se kà mɔgɔ si bàli kà bɔ jàmana' dɔ jàmanadénya' la kà dòn dɔgbere tá la.

Báabu 16 nan

1. Ce' ni mùso' fεn ó fεn séra bálkuya' mà, à be bεn i ye fúru kε, kà gbà kε ; lónanya ní dùgulénya te ò la, díinako te ò la. Ce ni mùso bεe ká kán sàriya' la, fúru' sìrili' la, cεlasígi' kɔnɔ, àni fúrusa' tá fànfela' la.
2. Fúru' te sé kà sìri ní à má kε ni fúrungɔn' fila ya jεn' ye.
3. Dénbaya dénbayaw kεnin nɔgɔn kán, ò le ye sìgida' ni màrada' jù' ye, wà à ká kán sìgida' ni fànga' ye ù lákanda.

Báabu 17 nan

1. Mɔgɔ kelen, wálima jεkúlu', bεe ká kán ni tāya' ye, bεe tá ye i tā ye.
2. Mɔgɔ dɔ mán kán kà bèn dɔ kán kà à tā bɔsi à la fàniya' kán.

Báabu 18 nan

Míiriya' míñ ká dí i ye, i hákili' kà fεn' míñ mína, díina' míñ ká dí i ye, ò bεnna bεe ye ; ò kɔrɔ' ye kó ni i be à fε kà bɔ díina' dɔ la kà dòn dɔgbεre la, ò be i mà ; kà díina' fàlen, ò be i mà ; àyiwa bεe be se kà i ya séli' ni i ya díina' kε i kélén, wálima jàma' la, sùtara la wálima kεnε' kán, à kera kàlanni' tá síra' ye, wálima bàto' tá síra', wálima séli.

Báabu 19 nan

Hákilila' míñ ká dí mɔgɔ' míñ ye, ò bεnna i ye, à fɔli' kεnε' kán, ò dàgara i ye. O kɔrɔ' ye kó mɔgɔ si te se kà mɔgɔ tɔrɔ à hákilila' kánma, mɔgɔ te se kà mɔgɔ' bàli kà kùnnafóniw gánsi yɔrɔ' míñ ká dí i ye, jàmana' míñ ká dí i ye.

Báabu 20 nan

1. Kà nɔgɔn lájεn nɔgɔnye bolo mà, wálima kà tɔn' sìgi, ò dàgara mɔgɔ' bεe ye.
2. A te se kà wájibiya mɔgɔ si kán, kó i ye ke tɔn dɔ tɔnden ye kà à sɔrɔ à mán dí i ye.

Báabu 21 nan

1. A be bən bεε ye i sèn' dòn i fàso' kójaw jánabɔli' la, à kera i yεrebakun' ye wálima i kà i wàsa' dòn mɔgɔ gbεre la, i yεre kà mɔgɔ' mín súgandi i yεre mà.
2. Kà lɔyɔrɔ' sɔrɔ i fàso' fòrobabáaraw la, ò be bən mɔgɔ bεε ye, wà bεε ká kán à la.
3. Jàma' ηàniya' le ye màrabólo' ya fànga' jù' ye ; jàma' be ò ηàniyayíra' lánkεnεmaya kàlafíli' sèn' fε, ni' ò ye wóte' ye, námara te mín na. O kàlafíli' ká kán kà ke tùma ni tùma, bεε ye wóte cógo kélen na, gùndo la wálima cógo la, bεε be i yεre le ηàniya' yìra.

Báabu 22 nan

Sìgidénya' húkumu' kɔnɔ, bεε ká kán ni i fàso' màrabólo' ni dúnnya' tɔ ya dεmε' ye, i ya dúnyalatige' gbεleyaw la ; bεε ká kán ni nàfasɔrsíraw hákεya' ye, àni mɔgɔya' hákεya', àni lɔnko' ni séko' hákεya' mín be í lànbe' kɔrɔta, kà í ya hádamadenya' sàbati.

Báabu 23 nan

1. Bεε ká kán ni báara' ye, báara' mín kà dí à ye, bèn te ke à kán báara' mín na ; bεε ká kán kà látànga báarasɔrbaliya' fána mà
2. Mɔgɔ' ni mɔgɔ' mín ya báara' ye kélen ye, òlugu ká kán ni sàra kélen ye, wólomali te mín na.
3. Báarakela' bεε ká kán ni sàra ye, mín be bən à ya báara' kíima' mà, àni mín be à mako' jà, mín be à tó à ni à ya dénbaya' be bálo ù hákε' la, bònya' kɔnɔ ; kà sínijasigi' fána jàte' mìna ò la n'à be bən.
4. A be bən bεε ye səndika sìgi, wálima kà dòn səndika' la, yálasa kà i yεre látànga.

Báabu 24 nan

Bεε ká kán ni làganfíya' ni dàamu' ye : ò be à yìra ko dàn ká kán kà ye báara' kùntaga' la, báarakela ká kán kà baara' bìla tùma ni tùma.

Báabu 25 nan

1. Bεε ká kán ni jánamaya' dàamu' ye, míñ be à tó à ni à ya dénbaya' bálo', ù fεεrɔbɔ, ù sìyɔrɔ', ù fúrakɛli', àni jánamaya' làganfiyalan' bεε be nɔgɔya cógo' míñ ; báarakɛla' ká kán ni màrabólo' ya dεmε' ye ní à ya báara' cɛnna, ní jànkáro' kà lásìgi, ní lùjura kà à sɔrɔ, ní à kera firiyatɔ ye, ni kɔrɔ' nàna kà à dεsε, wálima gbεlεya' fεn ó fεn kà à sɔrɔ, míñ be à kε dεsεbagatɔ ye kà à sɔrɔ à yεrε nɔ te.
2. Mùsow ya kɔnɔmaya' ni dénw ya dénmisεnya' ká kán ní dεmε ni mágben kεrenkεrennin ye. A kera fúrukɔnɔden ye, wálima à kera fúrukɔfeden ye, dén' bεε ká kán ni tàngali' ye.

Báabu 26 nan

1. Bεε ká kán ni kàlan' ye. Sàra mán kán kà bɔ ò kàlan' nà, i n'àfɔ kàlan' dùgumála' fó kà tágá sé sépe' mà, wálà bèpes' la. Kà tágá sé bèreve' mà, ò ye wájibi ye. Tεkinikikálan' ni báarakalan' ká kán kà kε fεn lɔɔkɔnnin ye ; sánfεkalan' ká kán kà nɔgɔya bεε mà, bεε ká kán kà kánya à la.
2. Kàlan' làjíni' ká kán kà kε kà mɔgɔ' ya hádamadenya' fá, àni kà mɔgɔya' hákεw ni à hɔrɔnya' lásàbati. A ká kán kà nɔgɔnfaamuya ni nɔgɔnbonya' sàbati mɔgɔw ni nɔgɔn ce, kà tériya' sàbati jàmanaw ni sýaw ni díinaw ni nɔgɔn ce, àni kà dúnnya' tɔnba' dεmε jásuma' la dúnnya' kɔnɔ.
3. Dén' ládamu cógo ni à ya kàlan' sífaya' súgandili' ye fàce ni bámuso' tá lè ye fɔlɔ.

Báabu 27 nan

1. A be bεen bεε ye i sèn' dòn, à ká dí i ye cógo' míñ na, i ya sìgida' jàmalájekow ni jánagbwε la, kà dàamu' sɔrɔ sékow la, àni kà i nìyɔrɔ' kε lɔnkow yíriwali' la, kà ù nàfa' sɔrɔ.
2. Fεn ó fεn bɔra lɔnkow ni sékow ni másalaw kɔnɔ, ní à béra kε báasi ye mɔgɔw mà, à kera ù bólófεn cenni ye wálà kùnmasúuli, bεε ká kán ni látangali ye òlúgu mà.

Báabu 28 nan

Dàntigèlikan' kɔnɔ hákεyaw ni hɔrɔnya' sàbatíli' sìgida' la, jàmana' kɔnɔ, àni dún̄ya' mùmɛ kɔnɔ, bεε ká kán ní ò ye.

Báabu 29 nan

1. Sìgida' ya hákε' ye mɔgɔ kélen kélen bεε kùnko ye, k'à lá à kán ní sìgida' tε, i ya mɔgɔya' te dáfa.
2. Dàn sí te mɔgɔ' ya hákεyaw' ni à ya yεremabíla' la, fó à dɔ bε kà i kɔrɔsi à kana mɔgɔ gbεre tɔŋɔ, à ye i jànto mɔgɔ gbεre ya hákεyaw la, àni jόgojumanya' ni jàli' ni jàma' làganfíya' kánma, bεekanya' kɔnɔ.
3. O hákεyaw ni n-tá-ye-n-yεrε-ye' te bεn cόgo sí la, ní ù be Dún̄ya' tɔnba' ya sàriyaw sɔsɔ.

Báabu 30 nan

Yɔrɔ sí te dàntigèlikan' nìn kɔnɔ, ní fànga, wálima jàmakúlu, wálima mɔgɔ gbansan be sé kà míiriya gbεre bɔ ò kɔnɔ kà nà ni kώ ye wálima wáleyaw ye, minw bena ni dàntigèlikan' nin hákεw ni à hɔrɔnya' benni' ye.